



Theologiæ Sacramentalis Scholasticæ Et Moralis Pars ...

Ad Mentem Doctoris Subtilis Ioannis Duns Scoti D. Augustino conformen

In quo tractatur de Ministro Sacramento Pœnitentiæ. Item de Sacramentis
Extrema Unctionis, & Ordinis

Bosco, Jean a

Lovanii, 1672

Concl. VIII. De facto non reservantur peccata dubia; neque certa, non
consummata in suo genere, nisi aliud exprimatur.

[urn:nbn:de:hbz:466:1-73429](#)

autem hic queritur est, an quando simpliciter reservatur peccatum contra votum castitatis, sine illo addito: Operे consummatum, intelligatur opus exterrnum ex se veniale, ex intentione tamen interna mortale. Quidquid ergo sit de mente Suarez, existimo cum Eminent. & aliis Doctoribus, sententiam nostram esse probabilem & tutam in praxi; nisi reservans aliud exp̄s̄ significet.

Et similiter afferro, non sufficere quodcumque peccatum exterrnum per se mortale, sed insuper, nisi expressè reservans aliud significet; reservationem intelligentiam esse de peccato certo & consummato effectu secuto, ut jam jam edissero.

CONCLUSIO VIII.

De facto non reservantur peccata dubia; neque certa, non consummata in suo genere, nisi aliud exprimatur.

Ratio: quia reservatio est odiosa, ergo restringenda, iuxta Reg. 15. de Reg. iuris in 6. Odit̄ restringi, & favores conveniunt amici plari. Iam autem ly Peccatum, omnino strictè acceptum, significat peccatum certum & consummatum effectu secuto.

Ita de peccato dubio docet Suarez de Censuris disp. 40. fct. 6. n. 5. ibi: Si aliquis casus reservatur Summo Pontifici vel alteri Praetato, v. g. homicidium, & incidat quis in dubium homicidii; talis casus non est confendus reservatus, etiam si nihil aliud in illa lege exprimatur: quia cū talis lex odiosa sit, verba eius sunt strictè suadenda; casus autem de homicidio dubio; non est de homicidio simpliciter, & ideo non comprehenditur sub reservatione homicidii simpliciter dicti.

Neque in eo casu tenetur quis tutiorem partem legui; quās videri posset, accedere ad Praetatum; quia certissimum est habere jurisdictionem; quia satis certum est, Confessionem inferiori factam esse validam; eō quod casus dubius ex vi illorum verborum reservatus non sit. Ergo idēm est in omni casu simili; nisi aliud fuerit in alio jure expressum. Hęc ille.

Quem sequitur Lugo disp. 20. n. 18. cum Aliis, quos citat; est que sententia communis.

Unde irregularitas ex homicidio in jure extenditur ad casum dubium; cap. Ad audiētiam. 12. de Homic. ibi: Quia verò utrū occasione vulneris deceſſet, dubium habetur, vestre discre- 12. tione duxiimus respondentium, quod cū in dubio se- mitam debeamus eligere tutiorem, vos convenient in- iungere Presbytero memorato, ut in sacris Ordinibus non ministret &c.

Et cap. Significasti 18. eodem, ibi: Quod & cap. 18. si disseri non posset ex cuius iictu percussus interiu- codi, in hoc dubio tamquam homicida dicit habens Sa- cerdos: & si forte homicida non sit, à Sacerdotali officio abstinere debet, cū in hoc casu cessare sit tutus, quam remeū celebrare, pō eo quod in altero nullum, in rel quo verò magnum periculum ti- meatur. Signum ergo est, quod homicidium per se possum; sit pro homicidio certo.

Negatur, inquis, Consequentia; sed potius vice versā signum est, quod homicidium per se possum comprehendat homicidium dubium: nam Pontifices non videntur ibi novum jus introducere; sed ex generali principio obli- gationem, quæ jam existebat, declarare, ut patet ex his verbis: Cū in dubiis semitam de- beamus eligere tutiorem. Et ex illis: Cū in hoc casu cessare sit tutus &c.

Respondetur; Pontifices ibi introducere 123. novum jus; allegare autem illud principium An in illis cap. Ponticē generale; non quasi per se obligans in omni casu, quod esset onus intolerabile, sed quasi sufficiens fundamentum ad statuendam novam legem in praesenti casu. Quippe in hoc, quod dubius de homicidio, quando constat de vul- nere inflito; abstineat à sacerdotali officio, solum illud potest esse incommodum, quod hoc sit onerofum tali persona; & quod aliquando possit contingere, ut ille, qui revera homicida non est, abstinere cogatur: at hoc quasi nihil existimatum est à Pontifice, com- paratum cum reverentia debita rebus sacris; & cum periculo, quod aliquando homicida ministeret.

Hec autem ratiocinatio per se sola fortasse non esset sufficiens ad obligandum hominem dubium; ut in eo casu abstinere; fuit autem sufficiens, ut Pontifex lege sua id decerneret. Maximè cū ipse potuerit judicare, esse suffi- ciētē causam ad imponendum hoc onus in tali casu; quod homo suā culpā vel negligentiā actionem fecerit, simili dubio expositam. Item cū ad Summum Pontificem pertineat cavere omnem indecentiam circa ministeria sacra. Atque hanc existime esse veram intelligentiam illorum iurium. Ita Suarez supra n. 9. Suarez

Sicut ergo irregularitas non incurritur propter peccatum dubium, nisi expressè Legislator id significet; pari ratione neque incurritur res- servatio, nisi reservans id expressius decla- ret.

Pro opposita nihilominus sententia citatur 124. Corduba in Reg. S. Franc. cap. 7. q. 4. p. 1. Peccatum dubium esse reservatum adterribiliter Corduba. cas. 5. (quem sequitur Bonae Spei hic disp. 10. n. 8.) ubi in fine sic ait: Notandum quod quando in predictis omnibus fuerit dubium, an talis tactus sit enormis ex tali circum- stanta, an non; hoc judicare & determinare pertinet ad eum; qui habet autoritatem ab- solvendi à tali casu reservato, qualis est Mi- nister Provincialis; quia generaliter ad eum

perinet determinare in dubiis super aliquo casu, ad quem pertinet auctoritas absolvendi seu dispensandi super eo; & cui committitur principale, committitur & acceſſorium: ideo Guardiani, quibus hoc committitur communiter à Provincialibus, deberent esse instruti super his, vel habere declarationem à Ministro Provinciali, seu à Capitulo Generali, vel Provinciali; quia forte aliqui eorum sunt minus docti in his, quam eorum subditi, & caveant he in manifeste enormibus peccatis, judicent non esse enormia; aut è contrà, quia seipſos & alios in tali iudicio manifeste errore deciperent. Hucusque Cordubensis.

A quo quero, quid faciendum, si Guardianus nequeat determinare, sed & ipse sit & permaneat dubius super aliquo casu, nūquid obligor eum confiteri Guardiano, aut alteri habenti potestatem absolvendi peccata reservata? Non queritur hlc, cuius si in dubio determinare, an aliquis casus sit reservatus, vel non: quod nemo melius facere potest, quam qui casum reservavit, immo solus authenticè facere potest; quin & ad illum recurrentem censeo, quando commodè fieri potest: sed quod hic queritur, est, an manente dubio casu, ita ut nemo probabilitate possit resolvere pro una aut altera parte, loquitur enim Conclusio de dubio negativo, v. g. si discerni non possit, nec à me, nec ab alio quopiam, ex cuius iſtu, meo vel alterius percussus interierit, & idecirco homicidium manet dubium negativum, queritur, inquam, an stante hoc dubio, sive an homicidium sic dubium (& idem est de aliis peccatis) sit casus reservatus, ubi homicidium simpliciter est peccatum reservatum, & Respondeo cum Suaario, non esse peccatum reservatum, nec video contrarium docuisse Cordubensem suprà.

^{125.} Ut ut sit de mente Cordubæ, quæ saltem est dubia, apertissimè docet hanc sententiam Bonæ Spei loco suprà citato, & probat n. 9. dicens: Mortale dubium in nostra, & communi sententia, est materia Confessionis necessaria ex institutione Christi, ut vidimus to. 4. tract. 2. disp. 2. n. 184. & probat P. Herinæ hic disp. 3. n. 47. ergo dubium mortale reservatum consequenter esse debet materia Confessionis reservatorum necessaria.

Probatur Consequētia: tum quia prout dubio Superiores intendunt reservare peccata, quæ in illa specie sunt materia Confessionis necessaria ex institutione Christi: tum quia, sicut Confessio sacramentalis ita est ad libertatem respectivè odiosa, ut tamen in ordine ad criminum Absolutionem sit favorabilis, juxta dicta to. 4. tract. 2. disp. 6. à n. 179. sic reservatio ita est odiosa &c. vel certè da rationem, cur hæc magis sit odiosa, quam illa, cum tam illa sit restriictiva libertatis, quam

hæc, & illa interea, tam sit in ordine ad criminum quæ reservatorum Absolutionem favorabilis, quam hæc in ordine ad criminum quæ criminum: item cur potius sub pracepto Confessionis mortalium simpliciter, nullâ factâ mentione dubii, comprehendatur dubium mortale, quam sub reservatione mortalium simpliciter, nullâ factâ mentione dubii, comprehendatur dubium mortale reservatum: si enim reservatio usum Sacramenti reddat subditis difficultorem: ergo &c. Unde non apparet, quæ Consequētia & ratione P. Herinæ illud Antecedens loco citato admittat, & infra disp. 6. n. 7. negat & improbat Consequētiam. Haecenus Bonæ Spei.

Respondeo: P. Herinæ optimâ ratione negare & improbare illam Consequētiam; scilicet, quia reservatio est valde odiosa & stricte interpretanda: at verò obligatio confitendi peccatum mortale dubium, tametsi aliquo modo sit odiosa, non tamen valde, sive ita odiosa arque referatio. Quod probo: i. quia ista obligatio solum est odiosa penitenti; at verò referatio est odiosa tam penitenti, quam Confessario, cuius jurisdictionem aferit; cum tamen per istam obligationem potius ejus jurisdictione extendatur. Quid ergo mirum, si potius reservatio, quam illa obligatio sit strictè interpretanda? Quamvis, sicut alii dixi, forte & obligatio confitendi sit restringenda ad peccatum certum, quia licet non sit tam odiosa, quam reservatio, tamen aliquo modo odiosa est, si non Confessario, saltē penitenti. Vide disp. præced. sect. 8. conclus. 3.

Quod autem suprà dicit Bonæ Spei: Procul dubio Superiores intendunt reservare peccata, quæ in illa specie sunt materia Confessionis necessaria ex Christi institutione; videtur non sublistere. Nam peccatum meritis internum, v.g. hæresis meritis interna, est peccatum in specie haeresis, seu ejusdem speciei cum hæresi externa. Et aliunde Omnes afferunt, eam esse materiam necessariam Confessionis ex Christi institutione, cum tamen communis sententia (ut Bone Spei admittit ibidem n. 4) doceat, eam non esse peccatum reservatum. Ergo tametsi dubium mortale reservatum, sit in illa specie materia necessaria Confessionis ex Christi institutione, minimè sequitur; ergo est materia Confessionis reservatorum necessaria.

Ceterum ut nulla esset differentia inter obligationem confitendi, & reservationem, nulla, inquam, quod odium, aut favorem, adhuc sufficiente ratione P. Herinæ, admisso illo Antecedente, negavit & improbabilitate Consequētiam, pura, quia de obligatione confitendi peccatum dubium, habemus traditionem, seu quasi traditionem, ut loquitur præfatus Auctor sup. n. 10. de reservatione autem habemus sententiam DD. communissimam in oppositum.

Cen.

128. Certè Bona Spei tantum duos Autores pro
Qui præter se assert, Cordubensem, cuius mens obscura,
Bona Spei docente il-
lam sententiam
Bardus.
dennilla.

tenda, erant superflua; aut certè, quia in utramque partem acriter disputant Theologi pro opposita sententia contra traditionem illam; judicavit Pontifex, nondem disputationem illam, quamquam pro traditione fuit, esse impediendam: sed hoc omnium verisimilius, quod Summus Pontifex voluerit præcise moderationem facere in numero casuum, relato primo Decreto in suo vigore quoad eorum modum; *Clare vel dubie*: alioquin cum hic modus sit tam speciali nota dignus, quam ipse casuum numerus, illius modi speciale moderationem fecisset, protul ipsius numeri fecit. Ita Bonæ Spei suprà n. 13.

129. Respondet: eo ipso fecisse specialemodum illius modi, quo illas qualitates omisit seu non expressit. Siquidem ex Iuristatu (quos citat Bardus sup. n. 7.) sententia, etiam in eadem dispositione, cum in una ejus parte ponitur qualitas, omittitur vero in alia, non censetur reperta in secunda parte, si materia, de qua agitur, sit odiosa; v. g. si testator in una parte testamenti meminerit filios masculos; in alia vero parte simpli- citer sit de filiis locutus; qualitas illa masculinitatis non censetur repetita; proinde etiam feminæ essent comprehensa sub dispositio- ne. Cum igitur qualitates prædictæ in casu nostro odiorum caudent seu illud extendant, nam reservatio est odiosa; ut non semel di- ximus, idcirco non debent judicari repetitæ; repetitio enim extensionem sapit, materiæ au- tem odiosæ restringendæ & non extendendæ sunt.

130. Et vero si Pontifex noluit illam disputationem, de obligatione confitendi peccatum mortale dubium, impedire, & ideo in suo Decreto omisit illas particulas, quare eas permisit addi in Decreto Sac. Congr. ? Vel si per ad- ditionem illarum, in primo Decreto non præjudicabatur huius disputationi (sicut revera non præjudicabatur, quia poterat Pontifex præcipere Confessionem dubiè reservati, et) peccatum mortale dubium ex institutione Christi non foret confidendum, ut clarum est) neque in secundo Decreto fuisset præjudicatum, sed adhuc libera mansisset illa dispu- tatio. Ex quo patet, etiam admissa obligatio- ne confitendi peccatum mortale dubium, non fuisse illas particulas superflua; ergo propter superfluitatem eas Pontifex non omisit.

131. Manet igitur ex dictis; per moderationem *conclusio*, secundi Decreti, abscientem verba illa: *Clare vel dubie*, quæ apposita erant in primo Decreto, casus omnes, in eo Decreto comprehensos, tali qualitate minime affectos, manere in dis- positione juris communis quoad reservatio- nem dubiam, ac si Decreta illa Clement. ne- *Bardus*, *vel* ququam edita fuissent. Ita Bardus suprà.

Z 2 Si ur-

Friar.
Spinula.

Allud fun-
damentum
filiis fan-
tazoni, et
caecum.

Objec-
tione
Decretum
aliquod 3.
Congr.

Filia rca
Spinula.

Secunda.

Bardus.
De Scilidere,

Contra 2.
Opposi-
tem agi-
tata Spei.

132.
Obiectum
alium Decre-
tum S. Con-
greg.

Responsio
Bardi.

Probatur.

133.
Limitatio
sententia ex
Sanctio, an
sit admis-
tenda.

134.
Non vide-
tur esse li-
mitatio, sed
mutatio cas-
us.

Si urgeas Decretum Sac. Congr. speciali mandato Pauli V. editum die 7. Ian. a. 1617. quod sic incipit: *Quoniam Sacra Congreg. per quod confirmatur & innovatur Decretum Clement. VIII. & simul ejus declaratio seu moderatio.*

Respondeat praeſatus Auctor n. 9. intentionem Pontificis fuſſe, confirmate indiviſibiliter utrumque Decretum Clementis, nempe prium Decretum, & simul ejus moderationem, praciſiendo, ut perfecte ad unguem ſervetur; & hoc, quia nonnulli, praetextu quorundam privilegiorum, illud non ſervabant; at non fuſſe intentionem, confirmare prium illud Decretum ſolitariè & finē reſpectu ad moderationem.

Hanc autem fuſſe mentem Pauli probatur; quia confirmation & innovatio in forma communi non reſtituit ea, quæ revocata invenit, ſed ſolum corroborat, quod illaſum reperit. Iam autem Decretum iſtud Pauli V. continet confirmationem in forma communi, ut patet, ipſum legenti; nulla enim reperitur in ea clauſula exprefſiva & conſtitutiva formæ ſpecialis, ſeu ex certa ſcientia; proinde ſolum conſirmat Decretum Clementis, ut modiſcatum, atque adeò nihil nobis officit. Hinc rurſum alero, peccatum dubiè refervatum, poſſe valiè abſolvi à quolibet ordinario Confeſſario, niſi in caſu particuliari juſ aliter diſponat.

Sed nunquid admittenda limitatio Sancti? Sic enim ipſe ait lib. 1. Sum. cap. 10. n. 74. Quod quidem intelligo, niſi in eo eventu eſet præſumptio fori exteriо pro illius delicti admissi veritate: quia ſtante hac præſumptione, eſt pro certitudine delicti poſſeffio, & illa præſumptione eſt in utroque foro ſtandum, dum contraria veritas non conſtitit; v. g. heretis externa refervatur, quando etiam mente ita ſentitur, dubius autem eam proferens eſt, an ita mente ſenſerit, vel an mente ita ſentiente, protulerit exteriо, animo ejus aſſerendæ, & ſic ſit verē extera, ac proinde refervata; an ſoliſ joci animo, ceneſebit in hoc dubio refervata.

Quia cum verba ſint naturaliter ſigna intentionis, & nullus præſumitur dicere, quod in corde non habet, nec aliter, quām in eo habet, præſumptio eſt ac poſſeffio in hoc dubio, ut heretis illa procererit exteriо ex vero interiore in illam conſensu. Item, quia in hoc dubio hic judicaretur verus hereticus in foro exteriо. Ergo idem in interno: quia hęc iudicia non ſunt diuersa, niſi quando illud falſa præſumptioni iniuitit, & in hoc conſtat contraria veritas. Hackenus Sanchez.

Verū enim verō, ut hac limitatio ſive doctrina vera foret, non eſt limitatio caſus nostri, ſed mutatio caſus nostri in aliud. Paret ex dictis; quia caſus nostri, eſt peccatum dubium negatiū, quando mens manet pen- dendum.

dula, ſinē ratione affentiendi in alterutram partem. Iam autem illa præſumptio fori exteriо ſecundum Sanchez ſuprā n. 13. eſt veriſimilitudo quādā, ſufficiens ad rem dubiam credendam, vel eſt probabilis conjectura, ex certo ſigno proveniens, quæ alio non addu-
to, pro veritate habetur, donec adverſarius op-
poſitum probet; & ſic liquet, quod non ſit caſus peccati dubii negatiū, ſed potius caſus peccati probabilis, ſeu alſenſus in unam partem; quid ergo mirum, ſi pœnitentis te-
neatur illud peccatum conſerti tamquam re-
ſervatum, cum habeat rationem probabilem
judicandi eſſe peccatum refervarum, nullam
autem, ut ſuppono, judicandi, non eſt refe-
ratum?

Cæterū, an illa præſumptio fori exter-
ni ſemper ſufficiat in foro interiore, quando
in hoc non conſtitut contraria veritas, dubi-
tatur Dicatillo disput. 11. n. 92. fieri enim
potest, inquit ille, ut ſigna ſeu conjectura
externa pro foro exteriо ceneſant ſufficien-
tes, & prudentes, ut Iudices poſſant pre-
ſumere ſecundum unam partem dubii, quia
ſcilicet illa conjectura, vel id unde con-
jectura ſumuntur, conſtat; id verō quod
poſſet pugnare contra talem conjecturam,
ſeu contra id, unde conjectura ſumitur, non
conſtat plerumque in foro exteriо.

Ex quo fit, ut pro foro exteriо ceneſat, 135.
tur illa conjectura ſufficiens: ita ut nihil aliud
conſtet, quod illam deſtruat. Nam si con-
ſtarerit aliiquid, quod illam deſtruueret, vel in-
firmaret, non conſeretur illa pro foro exteriо
probabilis conjectura, neque flaret præ-
ſumptio pro illa parte. In foro autem inter-
iori, ubi conſtant etiam omnia, quæ in
utramque partem cauſam reddunt dubiam,
fieri potest, ut quod ſufficiens videbatur in
foro exteriо ad præſumendum, in foro interno
non ſufficiat, & quod ad iudicium exteriо,
politicamque gubernationem ſuffi-
cere ceneſebatur prudenti Iudici in foro exteriо, non ceneſebatur ſufficiere in interno. Haec
ille.

Sed contrā facit; quod forum exteriо, 136.
non obſtante, quod ſciat dubium eſt in foro
interno, undecimque illud dubium oritur, co-
quatu-
equidem iudicet probabiliter pro una parte
dubii, argum. Reg. 65. de Reg. juris in 6. Reg. 11.
In pari delicto vel caſa poſtor eſt conditio poſſiden-
ti, quæ Regula non ſolum habet locum in foro
exteriо, ſed etiam in foro interno; ergo hoc ipſo, quod in foro interno manet
dubia veritas oppoſita, non tantum in foro
exteriо, ſed etiam in foro interno manet
illa Regula, ad prudenter præſumendum pro
una parte dubii, & ad omne dubium depo-
nendum.

Quidquid fit de hac controverſia, de qua ſi probat-
nolo hic longius diſputare, ſufficiat quod prius
penitentia ſit.

non esse re servatum posse & cetera. Iber illud considerat.

prīus dictum fuit, scilicet, hunc non esse casum Conclusionis, quæ solum loquitur de dubio negativo, omnibus consideratis. Nam si probabiliter judices, peccatum non esse reservatum, estò etiam probabiliter judicare, esse reservatum, non videtur Superior tali casu vultus sibi reservare Absolutionem, sicuti Christus in tali dubio de peccato mortali, noluit obligare ad Confessionem, ut suo loco ostendimus.

137. Multò magis si probabiliter judices non esse reservatum, & nullæ sint rationes probabiles pro reservatione. Sio autem probabiliter judices esse reservatum, absque ratione probabili pro non reservatione, nemo dubitat, quin sit obligatio illud peccatum confitendi Superiori, aut alteri habent potestam absolucionis à reservatis, cum tunc quasi moraliter certum sit, peccatum esse reservatum.

Audiamus Sanchium lib. 4. Sum. cap. 40. n. 26. ubi sic discurret de voto reservato: Quoties de voti valore fuerit morale dubium, sive sit dubium juris, sive facti, & sive sit negativum propter conjecturas, que non sufficiunt ad determinandum judicium, sive sit positivum ex opinionibus probabilibus contrariis, id voto cuiuscumque materia reservata, non est reservatum; sed potest Episcopus in eo dispensare: & hoc est verum, quāmvis id dubium non sufficiat ad excusandum voventer à voti obligatione, quando enim excusat, non est opus ullà dispensatione. Ratio est: quia cum dispensationis reservatio sit odiosa, est resstringenda ad calus certos: dubii enim non comprehenduntur sub reservatione.

138. Et eodem lib. c. 44. n. 3. Secunda, inquit, cedula est, eò quod dubitetur, an potest dispensans extendatur ad illud voto. Et tunc quando potest est ordinaria, potest esse dubium juris aut facti, aut utriusque. Dubium juris erit, quando constat de voto emiso; at dubium est propter opinionum diversitatem, an id sit reservatum. Et in hoc casu potest dispensare. Quia tunc non censetur voto reservatum, ut probavi cap. 40. n. 26.

Aut est dubium facti; quia vovens, sciens se, peregrinationem vovisse, dubitat, an ea fuerit Compostellana, & sic reservata. Similiter certus est, se aliquid ad castitatem pertinet vovisse, dubitat tamen, an absolutam castitatem voverit, cujus voto est reservatum, an solam partiale, cujus voto non est reservatum.

139. Et in hoc dubio sic distinguendum appetit primâ facie. Si sit aliqua possesso pro voto reservato, non poterit inferior Pontifice dispensare: secus si nulla sit possesso pro voto. Exemplum prioris partis sit; si ille certus sit, se vovisse castitatem, aut verba voti, quæ certus est se protulisse, sunt castitatis, dubitat tamen, an intenderit omnimodam castitatem;

tunc enim possesso est pro voto plenæ castitatis. Exemplum posterioris partis, quando ille non meminit verborum; tunc enim possesso est pro voluntate, ut in hoc dubio intelligatur ad id, quod minus est, ligata: & ideo praesumitur non emissum votum reservatum.

sive facti.

At re bene inspectâ dicendum est, in neutro casu votum esse reservatum; & à fortiori quando est dubium juris & facti. Quia c. 40. n. 26. eam regulam tradidimus, ut in dubio, quāmvis non sufficienti ad vitandam voti obligationem, nunquam censeatur votum reservatum. Et ideo, quando stat possesso pro illo voto castitatis, juxta tenorem verborum, licet ea possesso sufficiat ad judicandam plenam castitatis obligationem, non sufficit tamen, ut votum judicetur reservatum. Hucusque Sanchez.

Sed interrogo ego unum verbum; si possesso voti non sufficiat, ut votum judicetur reservatum, cur sufficiat possesso heresis, ut heresis judicetur reservata? Nonne in tali dubio plena castitatis, in foro externo vovens judicaretur obligatio ad plenam castitatem? Cur ergo hoc votum minus sit reservatum, quād illa heresis?

Et vero non sufficeret presumptionem fori externi, ut casus aliquis sit reservatus, probabile, putat Diana, part. 4. tract. 3. résol. 4. cum Merolla in disp. Theol. tom. 1. disp. 3. cap. 3. dub. 2. coroll. 23. n. 370. ubi (inquit ille) impugnat supradictam Sanchez limitationem, existimans casum non censeri reservatum, nisi certè constet de reservatione, nec sat est, quod presumatur reservatus.

Sententia factis benigna, si factis vera. Sed si hac vera, multò magis Conclusio nostra, quæ loquitur, sicut dictum est, de peccato dubio negativo. Et perinde est, ut patet ex dictis, sive sit dubium juris, id est, quando dubitatur, an sit reservatio facta, seu lex reservans, ut sic loquar, possita; sive dubium facti, quando constat de lege, v. g. de reservatione homicidi; dubitatus autem, an homicidium fuerit commissum, vel commissum cum sufficienti deliberatione ad culpam mortalem.

Et ideo rursum dico;stante tali dubio, non esse obligationem confitendi illud peccatum Superiori, aut alteri habent potestatem in reservata; quia non censetur peccatum reservatum; iuxta Reg. juris 30. de Reg. juris in 6. In obscuris minimum est sequendum. Eccl. leg. 9. ff. hoc tit. Semper in obscuris, quod minimum est, sequitur.

Obscura huc dicuntur (inquit Canisius in dictam Reg.) quorum sententia incerta est, quæque nunc in hanc, nunc in alteram partem perfrui possunt. Ne igitur res propter obscuritatem pereat, benignè receptum est, ut saltem id, quod in sententia minimum est, hoc est, minus noceat reo, sequamur. Quippe procliviore esse debemus ad liberandum,

Z 3 quād

An sufficiat possesso heresis, ut ipsa censetur reservata.

An sufficiat presumptione reservatio nis, ut casus sit relectus.

Diana.
Merolla

Dubium negativum sive juris sive facti non sufficit ad celeritatem Reg. 30 de Reg. juris in 6.

Canisius.

quād ad condemnandum, & favorabiliōes sunt partes Rei, quād actoris. Hæc ille.

142.
Obscurum
est quid in-
telligatur
per ly Homici-
cidium
quāndo re-
servatur.

Rep. 57. de
Reg. iuris
in 6.

143.

Intelli-
gitur
homici-
dium in suo
genere
completum.

144.
Objec-
to
muni-
cipio
pro-
prietate
et cetero
Solvitur.

145.
Quid intel-
ligatur per
lapsum car-
nis volun-
tarium ope-
re con-
sum-
matum.

Ergo impræsentiarū, cùm obfcurum sit, quid intelligatur per ly Homicidium dum re-lervatur, Aliquibus opinantibus solum intel- ligit homicidium certum, Aliis etiam homicidiū præsumptum vel dubium, quod in sententia reservationis minimum est, hoc est, mi-nus nocet reo seu peccatori, sequimur; quia procliviores esse debemus ad liberandum, quād ad condemnandum, & favorabiliōes sunt partes Rei, id est, peccatoris, quād actoris, id est, reservantis seu Superioris; præsertim cùm alia Regula juris dicat 57. de Reg. juris in 6. Contra eum, qui legem dicere potuit apertūs, est interpretatio facienda. Iam autem reservans apertūs potuit legem dicere; ergo nisi expre-sserit homicidium præsumptum & dubium, contra eum est interpretatio facienda, id est, judicandum pro pœnitente, ipsum liberando ab onere recurretē pro Absolutione ad Su-pe-riorem.

Et consimiliter, tamen si Superior posset re-servare homicidium solum inchoatum si veller, nisi tamen id clare exprimat, contra eum fit interpretatio in favorem pœnitentis, intel- ligendo per homicidium simpliciter positum, homicidium in suo genere consummatum.

Hinc Clemens VIII. inter casus reservatos, de quibus suprà egimus, non simpliciter ponit homicidium seu occisionem, sed addit vulnerationem seu gravem percusionem; ne forte, si solam decisionem posuisset, vulneratio etiam lethalis, morte non subsecutā, à casibus reservatis merito fuisset exclusa; sicut excluditur à peccatis irregularitatis, excommunicationis & similibus, constitutis pro homicidio simpliciter, secundum DD. communiter.

Præterea in eadem Bulla Clement. VIII. inter casus reservatos quarto loco numeratur: Procuratio, auxilium, seu consilium ad abortum faciendum post animatum factum, & ne intelligentes, effectu fecuto, sicut per se illa verba in-telligi solent, addit: Etiam effectu non fecuto.

Dices: sexto loco ponitur: Lapsum carnis voluntariis opere consummatus; ergo nisi addidisset Pontifex illam particulam; Opere consummatus, per lapsum carnis voluntarium, etiam venislet intelligendus, opere non consummatus.

Respondeo Neg. Conseq. & dico: 3 ideo

Pontificem addidisse illam particulam, ut clari-

tius significaret, quod per se intelligitur.

Igitur per lapsum carnis voluntarium, ope-re consummatum, Aliqui intelligent quodcumque peccatum carnis aliquicun determinata specie consummatum & ita sub eo compre-hendunt voluntariam pollutionem; quia pollu-tio habet propriam speciem, secus aspectus aut tactus in honestos, qui solum sunt dispo-sitiones ad pollutionem, fornicationem, & alias species luxuriæ.

Neque contrarium docet Dis. part. 4 tract. 4 resol. 61. (ut perperā assertit Boni Speci tract. 5. de Pœnit. Sacram. disp. 10. n. 59.) Quippe eò loci non tractatur querit, an pol-lutio voluntaria sit lapsus carnis opere con-summatus, sed simpliciter: An pollution cogitando tantum turpia su peccatum reservatum, & quid sequeatur ex aspectu nimis libidinoso? Et sic incipiit soam resolutionem.

Aliquando Superiores Regulares reservant sibi pollutionem voluntariam, etiam finē complice; queritur, an si lequantur voluntarie ex turpibus tantum delectationibus morosis, vel si ea ex aspectibus libidinosis sit peccatum reservatum. Et ad haec dubia respondet Georgius Kieni in tract. de cas. ref. p. 3. c. 6. n. 4 ubi sic ait: Quæres primò, utrum Religiosus cogitando turpia, iisque morosis delectando in pollutionem prolapsus, sive proprii corporis aspectu aut contectu libidinolo, ullaque mo-tione instrumentalis, casum reservatum in-currit?

Respondet Suarez affirmativè; sed non im-probabiliter Alii negant: potant enim, quod ad hujusmodi reservationem non solum exter-na actio in sua specie consummata, sed etiam externa respectu medicorum requiratur, & pro-curetur non tantum per interiorum delectationem, tamquam cauam adequatam, sed po-tissimum per opus externum; v. g. libido-num contactum.

Et quemadmodum ille non incidit, qui tangit personam, quantumcumque libidinosè ex- cendo varijs impudicitia actus ablique feminis profusione aut copula, quāvis mortaliter peccet; ita quoque qui sine tactu proprii corporis, aut alio instrumento ob vehementem turpidinem mentalem polluitur, nisi pervenitur ad consummationem illius actus impudicii, quem peccans intendit, vel in quæ natura sit ordinatur, id est, copulam carnalem.

Quæris secundò: utrum aspectus libidino-sus in feminis directus, ex quo apta est sequi Unionem in pollutio, sit casus reservatus? Primo, si aspectus aliquā quidem libidine quasi inad-vertenter informatus à pulchritudine facie aut formæ feminæ, aut persone superbè con-vestita proveniat, non esse ut nec mortale, ita neque reservatum. Ratio est; quod hujusmodi aspectus de se leviter tantum in libidi-nem provokeret.

Respondeo q. quando in gravem tentatio-nem, & inde in pollutionem prolabetur, neclum culpam testetatem probabiliter com-mittit, etiam ex prava affectione & intentione ad libidinem concitatetur, ob affectum corpo-ris externi, quod per se oculus impudicus non possit censeri propinquè lapsus carnis, opere consummatus.

Respondeo 3. aspectus denudati in feminis corporis, aut potioris partis ad libidinem alli-cientis,

cientis, in qua pudicitia locum tenet, cum pollutione junctus, videtur sine præviis osculis aut contactu casus reservatus. Ita Kiene loco citato. Vide etiam Homo bonum de casu refer. p. 3. c. 5. excep. 6. Mollesium in Sumto. 1. tract. 7. c. 20. n. 104. & Coriolanum de casu refer. p. 2. cas. 9. §. 10. n. 15. afferentem, pollutionem ortam ex turpibus cogitationibus nunquam esse casum reservatum, sed tantum peccatum mortale. Hucusque Diana.

148. Solum referens sententiam Kiene & Altorum, afferentium, non qualilibet pollutionem voluntariam esse casum reservatum; sed illam solum, que præviis tactibus, aut etiam dishonestis aspectibus corporis nudati feminæ procuratur. Ergo perperam citatur Diana, quasi hoc loco generaliter doceat; voluntariam sui pollutionem, non esse lapsus carnis voluntariam, opere consummatum.

Sed quāvis Diana hoc non doceat; Alii tamen docent. Vide Marchantium in Exposito Reg. FF. Min. cap. 7. dub. 3. ubi quārens, quis censeatur lapsus carnis opere consummatus? Respondet: Omnis concubitus sive coitus carnalis, sive fiat secundum naturam, ut in fornicatione, adulterio, incestu, sacrilegio; sive contra naturam, ut in sodomitria, bestialitate & id genus nefandis criminibus.

Deinde movet questionem; An pollutione voluntariæ procurata in propria persona, vel per tactus impudicos solos, absque coitu in secunda persona, sub lapsu carnis comprehendatur? Et Respondet, quod Alii negant; Alii affirmant. Securius, inquit, est, & maius ipsa peccati meretur; ut per Capitula Generalia, aut Provincialis reservetur, sicut in diversis Provinciis ad majorem securitatem & mali detestationem fieri vidi.

149. Rursumque interrogat: An in concubitu, sive lapsu isto reservato, necessariò debet fieri seminatio in vase? Respondet, quod non; sed sufficit, inquit, coitus; et si seminatio extra vas completeretur.

Quero ego, quid si nulla seminatio sequeretur copulam? Respondet Bonæ Spei suprà, casus ille non incurritur; quia hic nulla lapsus carnis consummatio, ut notant Pellizarius, Graffius, Diana & Alii.

Non gravetur Lector, si adhuc unam proposuero questionem. In Bulla Cœnæ cas. 1. reservatur favor, defensio & receptatio Hæretorum. Recepit Hæreticum in domo mea, dedi ei consilium, arma, pecunias ut evaderet, non evasit; quero, an talis favor, defensio, aut receptatio sit casus reservatus?

Negat Sanchez lib. 2. Sum. cap. 10. n. 9. Quia, inquit, excommunicatione Bulla Cœnæ primariò & principaliter fertur in Hæreticos; & quasi accessoriè derivatur & extenditur ad fautores, defensores, receptatores eorum, ut optimè docet Suarez de Cenf. dis. 21. sect. 2. n. 8.

Et constat ex tenore Bulla Cœnæ excommunicantis Hæreticos in primo loco, & deinceps in ipsorum odium reliquos. Qui idem tenor servatur in jure excommunicando Hæreticos & eorum fautores &c. At ubi principaliter aliquis excommunicatur, & accessoriè mandantes, consulentes, vel faventes: hi non incurruunt effectu mandati, consiliis aut favoris non subsecutio, ut tradunt communiter DD. in tract. de Excom. Ita Sanchez.

Subscribo tenorem Bullæ: Excommunicamus & anathematizamus ex parte Dei Omnipotens Patris, & Filii, & Spiritus Sancti, auctoritate quoque Beatorum Apostolorum Petri & Pauli, ac nostrâ quoquecumque Husitas, VVicelphistas, Lutheranos, Zunglianos, Calvinistas, Vgunottas, Anabaptistas, Trinitarios, & à Christiana Fide Apostatas, ac omnes & singulos alios Hæreticos, quoquaque nomine censentur, & cuiuscumque Sectâ existant, ac eorum credentes, receptatores, fautores, & generaliter quolibet eorum defensores &c. Ubi, ut vides, secundo loco ponuntur: Credentes, receptatores &c.

An autem propterea solum accessoriis, posset esse quæstio. Nam cap. Sicut ait 8. de Hæreticis, videntur hi principaliter, & non accessoriè ad Hæreticos ipsos excommunicari ibi: Et sub anathemate probabimus, ne quis eos in domo vel in terra sua teneat, vel forvet, aut negotiatio nem cum eis exercere praesumatur.

Quāvis etiam eodem cap. secundo loco ponuntur, ibi: Quia in partibus Tholosanis Hæretorum, quos Alii Catharos, Alii Patavens, & Alii alii nominibus vocant, invalidū damnanda persuita: eos (scilicet Hæreticos) & defensores, & receptatores eorum, anathemati decernimus subiacere.

Equidem, teste Sanchez suprà, Sayro Theſauri cas. to. 1. lib. 3. c. 5. n. 4. sit esse valde probabile, hos omnes incurtere excommunicationem & jure communī, & Bulla Cœnæ, in eos latam. Prīus probat, quia cap. Sicut ait, de Hæreticis, videntur hi principaliter & non accessoriè ad Hæreticos ipsos excommunicari. Posteriori autem, quia cum Ecclesiis hos tam ingenti odio prosequatur, verisimile est, eam voluisse hos principaliter excommunicari. Ita Sanchez.

Sed ego nihil simile inventio apud Sayro novissime editionis loco citato; quāvis & eundem locum citet Suarez de Fide disp. 24. Suarez, sect. 1. n. 14. ubi hinc sententia adhæret, dicens: Quāvis res videatur dubia, ego huic posteriori sententia adhæreo, tamquam probabiliori & securiori: tum quia magis faverit Fidei, & detestatur hæsim, quod iura intendunt; tum etiam, quia applicata contraria opinio casibus particulatis, videtur incredibilis & contra praxim. Nam qui non denuntiat Hæreticum, cum tenetur, excommunicationem incurrit, etiam si alter denuntiet, & consequenter

151.
Tenor Balæ
lx.

An credentes &c. solum accessoriè excommunicantur,

152.
Aliqui pad
tant nos
omnes esse
excommuni
catores,
est non fe
quatur esse
dus,
Sayro.

quenter prior non consequatur effectum; & idem est de illo, qui per testimonium falsum hæreticum liberare procuravit, & non potuit, quia per alios testes convictus est.

Tum denique, quia illa regula, in qua fundatur prima sententia, non recte explicatur; procedit enim, quando mandatum vel auxiliu ordinantur ad executionem ejusdem delicti, v. g. homicidii, hic autem non ita est: nam favor per se non ordinatur, ut alter committat hæresim; immo illam supponit; & ad uitiationem hominis jam hæretici ordinatur, & ita hoc delictum in suo genere est consummatum, quævis effectus non sequatur. Solet autem dicit, hæc prohibito secundari pertinere ad hæresim, quia propter illam præcipue fit, non quia quasi per hæresim consummetur delictum, cui annexa est hæc censura. Hæc Sua. Meo iudicio sat's bene.

153. **Duo effec-** Solum ad verto (& magis explicito hanc sententiam) duos effectus posse considerari in favore. v. g. qui præstatur Hæretico. Primus in favore est, ipsa hæresis illius Hæretici, vel hæresis, qui præsta. in aliis eâ occasione futura vel conservanda. Et de hoc effectu loquitur Sua. negans eum esse necessarium ad incurriendam excommunicationem, & per consequens calum reservatum.

Secundus effectus est, favor vel tutela Hæretico & hæresi exhibita. Et de hoc effectu intelligo primam sententiam, ut vera sit, id est, nisi favor Hæretici & hæresis re ipsa ponatur, non incurrit hec excommunicationis, & per consequens non est calus reservatus. Ratio est, quia qui solum voluit favere, non est simpli- citer fator.

154. **Quid requi-** Porro ut favor censeatur re ipsa præstitus seu positus, requiritur primò, actio aliqua ex parte faventis. Secundò, passio seu receptione favoris ex parte Hæretici; v. g. aliquis mittit pecunias Hæretico, ut hoc modo ei faveat, sed pecunias in itinere pereunt, aut ipse jam obie- rat antequam pecunias acciperet, non est favor præstitus, seu re ipsa positus & ideo non est calus reservatus; quia non est peccatum in genere suo consummatum. Misisti pecunias Hæretico, & ipse pecunias recepit, sed paulò post, antequam illis uteretur, furto ablata fuerunt; item in domo tua Hæreticum recepisti, sed paulò post extractus fuit; fallum testimoniū dixisti, ut ipsum à morte liberares, interim convictus alii testibus, condemnatus fuit; ecce peccatum favoris & receptionis in suo genere consummatum, & ideo calus reservatus.

Probatur; quia in his & similibus casibus verè favor præstitus fuit & acceptatus, quævis parum Hæretico profuerit. Iam autem effectus prohibitus, seu id, quod prohibetur, non est liberatio Hæretici, non est concursus ad hæresim, sed receptione & favor Hæretici,

qui esse potest sine liberatione, & in exemplis propositis à parte rei est.

Ex quo patet diversitas, suprà à Suario alle- gata, inter favorem, qui præstatur Hæretico, & favorem, qui præstatur v. g. homicidæ; hic enim favor nihil est aliud, quam concursus ad ipsum homicidium, qui concursus in re ipsa non ponitur, nisi in re ipsa ponatur occiso. Unde sicuti ipse, qui occidere voluit, & casu impeditus fuit, non incurrit censuram, nec casum reservatum, estò etiam exterius mortaliter peccasset, ponendo causam per se occisionis; quia peccatum non fuit in genere suo consummatum effectu secuto, ita oī mitum; si nec ille incurrat censuram, aut casum reservatum, qui solum consuluit, aut favorem præstavit illi actioni exteriori.

At vero in nostro calu favor, qui prohibetur, non est concursus ad hæresim, ut dictum est, nam qui Hæreticum jam conversum ad Fidem, aut mortuum defederet, ne panitur vel condemnaretur, incurrit censuram. Quid ergo? Subministratio consilii, pecunia, armorum &c. ut Hæreticus evadat justam punitionem, sive sit periculum ulterioris hæresis.

Aque hic sūt finis Conclus. hisc hec quæstio succurisset: Aliquis absolvitur ab inferiōri à peccato, de cuius reservatione dubitabat, post Abolutionem certò cognoscit reservationem, nūquid tenetur ad iteratam Confessionem faciendam ei, qui habet potesta- tem absolvendi à peccatis reservatis?

Respondeo; nequaquam: quia directe fuit ab illo peccato absolvitus, non tantum sub conditione, si non foret reservatum, sed etiam si foret secundum se reservatum; quis in illis circumstantiis verè non erat reservatum, quodnam Superior noluit reservare peccatum dubium; sed dubitaxat certum. Cur ergo obligabitur ad iteratam Confessionem? Nam semel confessus fuit illud peccatum tamquam non reservatum, sicuti à parte rei non erat reservatum, & ab illo sic confessus directe absolvutus; peccatum autem semel directe absolu- tum non fudit, ut clarum est.

Et idem est de excommunicatione, de qua dubitabatur, an esset reservata: nam & illa se- mel directe absolvuta, non redit absque novo peccato, quale hic supponit non intervenire; quippe non est data Absolutio ad reinciden- tiā, ut vocant, utpote quæ non potest dari, nisi in casibus in jure expressis, qualis non est hic. Tali ergo calu absolvit inferior ab illa excommunicatione eo modo, quo absolvit ab omni alia, quæ certò constat non esse reservata. Ratio patet ex dictis: quia tali calu cessat omnis reservatio propter dubium cir- cumstans.

Sicut qui dispensat in voto, de cuius re- servatione dubitatur, non dispensat sub condi- tione;

dubie refer.
tione, si non est votum; quia tunc non est opus
dispensatione; vel sub conditione, si non
est votum reservatum: quia supponitur stan-
te illo dubio non esse reservatum, sed dispen-
sat in illo voto simpliciter & absolute, sicut
in quocumque alio voto non reservato; &
ideo, est postea certò constaret de reserva-
tione, hanc eidem esset necessaria nova di-
spensatio.

158.
Quid si
stante du-
bio non ab-
solvatur
dispensatio
tione, si non est votum; quia tunc non est opus
dispensatione; vel sub conditione, si non
est votum reservatum: quia supponitur stan-
te illo dubio non esse reservatum, sed dispen-
sat in illo voto simpliciter & absolute, sicut
in quocumque alio voto non reservato; &
ideo, est postea certò constaret de reserva-
tione, hanc eidem esset necessaria nova di-
spensatio.

Interim tamen, si stante illo dubio de re-
servatione peccati, excommunicationis aut
voti, non absolvetur aut dispensaretur, ad-
veniente certitudine reservationis, inferior
ne posset absolvere, nec dispensare; quia re-
didi reservationi. Probatur à simili; in tubi-
lao cessat reservatio, quo transacta reddit re-
servatio sine nova culpa: quippe potest
non est aliud, quam ablato potestatis; po-
test autem potestas auferri pro certo tan-
tum tempore, quo elapsa potestas redeat, &
similiter potest concedi potestas pro certo
tantum tempore, quo elapsa expiret talis
potestas. Quāvis ergo excommunicationis
qua est pœna peccati, nunquam rededit ab-
que novo peccato; reservatio tamen ex-
communicationis, ut etiam peccati, redire
potest; ut jam ostensum est.

Sed nunquid sola censura reservari potest?
Nunquid solum peccatum? Attende quod
sequitur:

CONCLUSIO IX.

Sola censura reservari potest, ut
& solum peccatum: attamen
à Pontifice ordinariè non re-
servatur peccatum sine censu-
ra; quā proinde non contra-
cta, vel sublatā, non contra-
hitur, vel aufertur reservatio
peccati.

159.
Alio en-
teratio
nibus, alia
peccata.

R Eservatio, ut statim dixi, non est
aliud, quam ablato potestatis seu juris-
dictio; sicut ergo alia est iurisdictio ne-
cessaria ad absolvendum à censura, alia ad
absolvendum à peccato; ita alia est reser-
vatio censura, alia autem reservatio peccati;
ergo sicut solum peccatum potest reservari,
ita etiam sola censura. Quæ enim repugnat
ista?

Herculis solum peccatum posse reservari
hanc obsecrū significat Concil. Tridentinum
sess. 14, cap. 7, ibi: *Magnopere vero ad Chrys-*

siani populi disciplinam pertinere Sanctissimis Pa-
tribus visum est, ut atrociora quadam & gra-
viora crimina non à quibusvis, sed à summis dum-
taxat Sacerdotibus absolverentur.

Et infra: *Neque dubitandum est quia
hoc idem Episcopis omnibus licet
præsentim quoad illa, quibus excommunicationis cen-
sura annexa est. Si præsentim quoad illa, ergo
etiam quoad alia, quibus excommunicationis
aut alia censura annexa non est. Si Episco-
pis, etiam Pontificibus, de quo nemo po-
test dubitare. Et ita de facto multa pecca-
ta, quibus non est annexa ulla censura, re-
servantur tam ab Episcopis, quam à Pra-
latis Regularibus, ut omnibus est manife-
stum.*

160.
Aliqui ex-
stimatori;
Pontifici
referatio-
nem imme-
diatè cacer-
to solam
censuram;

Quantum ad reservationem folius censu-
ra, sunt qui existimant, Pontificiam reserva-
tionem immediatè cadere in solam censu-
ram, & folium mediatè in culpam: quia ni-
mitum nullus possit à peccati absolvī du-
rante censurā. Et licet contraria sententia
sit communior, ut statim videbimus, in-
terim non potest assignari aliquæ, vel in spe-
cie repugnantia in eo, si fieret.

Nonne Aliqui docent, Prelatos Regula-
res, estō non possint sine consensu Capituli re-
servare alia peccata, præter enumerata à Cle-
ment. VIII. nihilominus posse reservare qual-
libet censuras?

Ita quippe lego in Statutis nostris Generali-
bus Barchinonensis (impressis Antwerpia
apud Gerardum Wolschatum an. 1624.)
cap. 6. §. 22. n. 11. *Insuper determinatus, Pre-
latos predictos per se solos, absque Capituli consitu-
& consenu, posse sibi reservare quilibet censuras:
& huiusmodi reservationem esse validam & tenere;*
*cum Decretum Pontificis tantum loquatur de pec-
catis, quo longe distat à censuris.*

Et n. 14. *Eadem pœna plebitur, quicumque
ausus fuerit affirmare, Prelatos Generales & Pro-
vinciales respectivè, non posse reservare sibi casus,
in Constitutione Clementis VIII. expressos, exira
Capitulum, vel quarumcumque censurarum abso-
lutionem.*

Quidquid sit de his statutis, quæ post-
modum recognita & iteratè impressa fuerunt,
omissis illis duobus numeris, hæc sententia
non est ex ratione improbabilis; sed neque ab
ipius probabilitate pendet veritas Conclusionis:
verum à principio generali ab Om-
nibus admisso, parta, iurisdictio necessaria
ad absolvendum à censura, communicatur
per Pontificem & Prelatos Ecclesæ; ergo
potest haec limitari & restringi; ergo sola cen-
sura potest reservari, eodem modo quo solū
peccatum.

Attamen (ut habet sequens pars Conclu-
sionis) à Pontifice ordinariè non reservatur pec-
catum sine censura. Intellige de Pontifice, qua-
tenus est Supremus Pastor, sive quatenus

A Pontifica
ordinariè
non reserv-
atur pec-
carum fia
censura.

A a refer-